

7 nyied 1 hauh, Cunghgoz Gungcanjdangj laebbaenz 100 hopbi. Gvangjsih gak dieg gak cuz beixnuengx cungj guh lai cungj hozdung hoh ngoenzseng aendangj. Ngoenzneix Gvangjsih bienqvaq gig daih, gak hangz gak nieb cungj guh dwk hoenghwdhwd, bouxboux cungj nyaengq buekguh baenaj, gak minzczuz “caih fwndoek rumzci cungj riengz aendangj byaij”.

Sanhgyangh Eu Fwen Dungcuz Hawj Aendangj

三江侗歌声声唱给党

Mboengqneix Sanhgyangh Dungcuz Swciyen youq Dohyeh Gvangicangz guh aen vwnzyi biujyienj angqhoh aendangj laebbaenz 100 hopbi, miz fwen foux, cuengq sing doeg sei, danz yozgi, yienj siujbinj, caez eu fwen Dungcuz daengj lai cungj lai yiengh cezmuuz. Hozdung langhbaij le gij cungcig caeuq gietsim beixnuengx Dungcuz riengz aendangj byaij, caiq gikleih daengx yienh dangiyenz ganbu vunzlai youq mwh sonhag lizsij aendangj aeu mbouj lumz simnduj, haenqrengz buekguh, caenhrengz doidoengh ginghci aenbiengz Mbanjdung hwngfat ndaej cizlieng sang.

(Gungh Bujgangh / 龚普康)

► Mbanjdung eu fwen diuq foux hoh aendangj.



Lozcwngz Lai Yiengh Hozdung Hoh Aendangj Laebbaenz 100 Hopbi

罗城多彩活动庆建党百年

Daj guh hozdung hoh aendangj laebbaenz 100 hopbi doxdaeuj, Lozcwngz Mulaujcz Swciyen baengh gij swhyenz siujsoq minzczuz swngeij, guh le baenz buek hozdung lai yiengh miz gij daegsaek minzczuz vwnzva.

Lumj doxdax raiz saw, meijsuz, ingj siengq daengj, caiq senj le 100 aen cozbini ndei youq gwnz muengx laj muengx langhbaij; caiq cujeiz dangiyenz, bouxciepcienz feihyiz haivat vwnzva Mulaujcz, raizok “golaux

Mulaujcz” daengj; guh “eu fwen hawj aendangj dingq” vwnzyi biujyienj. Daengz seizneix, yienh neix gaeng haeuj lajmbanj bae guh le 20 ciengz vwnzyi biujyienj. Doenghgi hozdung neix baijok gij ndwenngoenz ranzmbanj Mulaujcz ngoenz ndei gvaq ngoenz, beixnuengx Mulaujcz simnduj geng lumj rin nei laebdaeb riengz aendangj byaij.

(Cinz Yungjdungh / 覃永东)



▲ Ndaw biujyienj yungzhaeuj le daegsaek minzczuz.

(Mbaw doz dwg Gvangjsih Yienji Cizdonz hauj)

《Yinghyungz Mbeilaux》Cit Heiqcazgi Cauhnduj Hung Youq Namzningz Haiyienj

大型原创杂技剧《英雄虎胆》在邕上演

7 nyied 2 hauh, 《Yinghyungz Mbeilaux》cit Heiqcazgi cauhanduj hung neix youq Gvangjsih Yisuz Cunghsinh haiyienj. Neix dwg ciuq cit denyingi 《Yinghyungz Mbeilaux》ma gajbien, dwg cit heiq Gvangjsih aeu ma hoh aendangj laebbaenz 100 hopbi youqgaenj ndeu.

Cit heiq neix aeu cazgi bae biujyienj, caiq yungzhaeuj le gij daegsaek minzczuz dieg raeuz, geggangj le aen gojgaeq youq mwh gajfang cogeiz, yinzminz

gajfangginh daeuj daengz Gvangjsih Cib Fanh Dasanh dwk gij caeg nyapnyaj Gozminzdangj. Canghheiq biujyienj ndaej gig ndei, gig miz gamjcingz, baijok gij cingz gyo, mbaiq bouxgonq vih minzczuz duzliz, yinzminz gajfang, guekgya fouqak vutmingh—Gij lijsiengj gyoengqde mbouj rox raeg, gij saenqniemh gyoengqde mbouj bienq, gij cingsaenz gyoengqde cix ciengxlwenx lix youq ndawsim vunzbiengz.

(Vangz Cunhnanz / 王春楠)



▲ Vunzlai youq vwnzva' gvanj yawj langhbaij sawveh hoengz.